

PSP DAN POLITEKNIK ZON UTARA JALIN HUBUNGAN DENGAN POLITEKNIK NEGERI SRIWIJAYA

27.8.2015 Khamis : PSP telah mengadakan Program Kesukarelawanan Antarabangsa pada 27-30 Ogos 2015 di Palembang, Indonesia. Ianya merupakan satu inisiatif oleh Unit Antarabangsa PSP dan Unit IM4U PSP. Delegasi ke Palembang ini disertai pensyarah Jabatan Pengajian Am Politeknik Seberang Perai, Ahli Jawatankuasa Kelab IM4U, ahli Kelab Bahasa Inggeris serta wakil-wakil sukarelawan dari Politeknik Sultan Abdul Halim Mu'adzam Shah (*POLIMAS*), Politeknik Tuanku Sultanah Bahiyah (PTSB), Politeknik Tuanku Syed Sirajudin (PTSS), Politeknik Balik Pulau (PBU) dan Politeknik METro Tasek Gelugot (PMTG). Rombongan seramai 55 orang ini diketuai oleh Timbalan Pengarah (Akademik) PSP, Pn Ainiza Amin.

Objektif utama program kesukarelawanan antarabangsa ini adalah untuk mendedahkan pelajar-pelajar dari politeknik zon utara kepada program-program kesukarelawanan diperingkat antarabangsa, Disamping itu program ini juga dapat merapatkan silaturrahim antara pelajar Malaysia dan juga Indonesia.

Rombongan dari Politeknik Zon Utara tiba di Lapangan Terbang Antarabangsa Sultan Mahmud II Baharudin, Palembang pada pukul 10 pagi . (Waktu Indonesia Barat). Mereka disambut mesra oleh pelajar dan pensyarah dari Politeknik Negeri Sriwijaya. Setelah selesai sesi bergambar, mereka menaiki bas untuk menuju ke Musolla Al Amin di Kelurahan (Daerah) Karang Anya di Gandus, Kota Palembang untuk melihat tapak musholla yang menjadi projek pelajar Politeknik Negeri Sriwijaya. Lokasi tersebut merupakan tempat pelajar Politeknik Negeri Sriwijaya membuat aktiviti khidmat sosial termasuk projek pembinaan musolla tersebut. Rombongan dari Malaysia telah dijemput ke musolla untuk sesi perbincangan dengan masyarakat tempatan. Beberapa permintaan daripada masyarakat tempatan dapat dipenuhi dengan kutipan dana yang dibuat dalam kalangan ahli rombongan. Sejumlah 5.4 juta Rupiah bersamaan dengan RM2000 telah didermakan kepada masyarakat tempatan di sana. Mereka telah berkunjung ke Muzium Al Quran di Pondok Pesantren Al Ihsaniyah, Gandus untuk melihat ukiran Al Quran terbesar dunia yang dibuat dari kayu. Selepas makan tengah hari, mereka telah menuju ke Panti Asuhan Pelangi untuk mengadakan beberapa aktiviti bersama anak-anak yatim..

Majlis menandatangani Surat Hasrat (LOI) juga telah diadakan di antara Politeknik Negeri Sriwijaya dengan PSP, PMTG ,PTSB dan PBU. Majlis ini telah disaksikan oleh Pengarah Politeknik Negeri Sriwijaya Bapak Kusumanto. Sesi dialog juga telah diadakan di mana pegawai-pegawai kedua-dua politeknik telah berbincang tentang cadangan aktiviti-aktiviti bersama yang dapat dilakukan. Program forum pelajar pula diadakan di mana para pelajar dari kedua-dua institusi telah membentangkan tajuk "TVET and its contribution towards nation building". Pameran tentang TVET di Malaysia juga telah disediakan oleh pihak PSP. Para pensyarah Jabatan Pengajian Am PSP pula telah mengadakan sesi perkongsian ilmu bersama rakan sejawat mereka. Sesi ilmiah itu telah dapat membuka ruang untuk para penyarah berkongsi amalan-amalan terbaik dalam proses pengajaran dan pembelajaran.

Pada sebelah petang para pelajar telah terlibat dalam projek CSR (Corporate Social Responsibility) di masjid tersebut dimana mereka telah membersihkan kawasan sekitar dan di dalam masjid. Beberapa pegawai dari delegasi Malaysia telah ditemuramah oleh TV Politeknik Negeri Sriwijaya. Secara kesimpulan program ini telah mencapai objektif yang digariskan dan telah membuka ruang kolaborasi di antara kedua-dua politeknik. Aktiiviti susulan bakal dibincang untuk menjalin hubungan silaturrahim yang lebih akrab.

GALERI GAMBAR



Sekitar lapangan terbang Antarabangsa Sultan Mahmud Badaruddin II di Palembang
cuaca jerebu yang agak teruk akibat pembakaran hutan



Delegasi dari Politeknik Zon Utara



Di Musolla Al Amin, di Kelurahan Karang Anya dan anak-anak yatim dari Panti Asuhan Pelangi



Delegasi dari Politeknik Zon Utara bersama pelajar-pelajar dari Jabatan Bahasa Inggeris Politeknik Negeri Sriwijaya